



## PIŠĆEĆ JE

čo. 31

- a) šepać
- b) mjelčo stonać
- c) płakać

Prawa je wotmołwa **c**.

*Pišćeć woznamjenja płakać, tola nic jara intensiwnje abo wótře. Přismorkuješ, sylzy cí po licomaj běža, tola njebečiš z cyłjeje šije.*

*Pišćeć pak so tež w zwisku z předmjetami wužiwa. Tak móže kara pišćeć, hdyž při čišćenju abo čahanju wotpowědne zwuki wot so dawa.*

### Takle móžeš tež prajić:

- płakać, zapłaknyć, sej do horšće płakać, sylzy ronić

### Připódlu prajene:

Sym namakała rjaney prajidmje *pišćeć kaž twarohowy měch a pišćeć kaž njezrałe kurjo*. W přenim so na to pokazuje, zo z twarohoweho měcha pospochi mjelčo kapalca kapa. Pišćeć kaž njezrałe kurjo móhło na to pokazować, zo so werb pišćeć husto w zwisku z džěćimi wužiwa.

### Přikłady z rěčneho korpusa:

Nětko tola hišće doma wostanjemy, powědaše wona z dyrkotacym hłosom a *pišćeše*. (Nowe powědky wo nas. Budyšin 1972)

Jan *njepišćeše*. Wón jenož sedžeše a čakaše. *Pišćach* za njeho sobu. (Jurij Koch, Nawrót sonow. Budyšin 1983)